

抄印北京國立圖書館儲藏馬邑舊志殘本

民國廿五年九月

馬邑縣志序

夫志記也然不曰記而曰志者蓋記以
記寔跡志以志永久也故一邑典籍惟
志為重而守土規畫修志為先乃今三
晉之志全備者固多而缺畧者亦不少
甚有缺二三十年五六年者且有無
志者噫可嘆哉值茲

文明盛際教化隆洽國有史館野有掌
故非如繩契以前渺忽亡紀又非如獲
麟以後筆削遂絕也何以漫無策勒竟
令往跡湮沒而不傳乎然馬邑志前令
王君一鳴草創未就趙君承芳欲紹厥
事亦未竟其功自王君日新毅然任之
而纂修始成迄于今又經一紀矣其間

人才之盛衰風俗之美惡民物之息耗
與夫興革利病政治得失不無與時變
更者倘遺而不叙將何以備稽考而稱
完錄也然邇年來災歎頻仍糧徭逋負
弊蠹紛麻而人心成玩號為難治方余
左遷之始惟旦夕冰兢以不克勝任贖
前愆是懼即欲從事于補綴未能也今

其邑集
茲負者以完怠者稍振而他務亦頗次第舉行方擬編修原志而

巡撫山西都臺李公會同

巡按山西直指康公移檄通省郡縣令
各采輯刪定以成一方文獻余即踴躍
奉行因延請宿學博綜王君繼文崔君
鈿孝廉霍君鎮邑庠生霍子鏘王子道


純霍子鉦霍子鑛李子如榛吳子應舉
徐子三變元子體震若而人者蒐羅裁
正各效其長近事未載者增入舊蹟散
佚者考訂余亦以已意時加品藻故不
浹旬而成帙以付剞劂氏而鏡徃詔來
庶垂永久即以是呈之
當路者將未及面陳而俗已貢未及躬

歷而風已觀舉一邑之事實照然在目
中矣倘令茲土者撫輿圖則期保障之
功鑑人品則動法戒之念按風俗則思
移易之方而綜理民物導利剔蠹俾職
守不墜而無玷官箴其于斯志也或無
負已足又所望于後之同志者

皆

萬曆三十六年歲在戊申季秋吉日
文林郎知馬邑縣事東萊芙蓉宋子質

拜手書



小色集

序

四

馬邑縣志目錄

卷之上

輿圖志

建置志

學校志

祀典志

官師志

選舉志

人物志

雜附志




卷 之 下

藝 文 志

城廓圖

官廳



城隍廟

公署

觀音堂

察院

分司

縣衙

儒學

文廟

魯臺

關王廟

娘娘廟

草場

崇恩寺

軍儲倉

吏目廳

所

守備衙


神機庫

北獄廟

教場

文明塔

馬邑縣地里圖



廣武城

廣武舊站

關下城

汗子村

陳家庄

西君村

青塚村

史家庄

小塗村

陽防口

十羊庄

林河村

辛村

辛村

拾里村

滋潤村

李元村

李林庄

代堡村

北曹村

羅辛墩

羅堡村

河南墩

三家店

李磨村

東院村

邵東庄

比樓村

金龍池

唐將廟

馬邑城

桑乾河橋

八里墩

水磨村

沿河村

河西村

泥河村

馬司泊

龍泉寺

大夫庄

林榆子

沙堡村

羊頭園

張家村

神頭村

吉家庄

吳家庄

馬跳庄

黃道泉

三龍王廟

寶峯山墩

鶯臺山墩

高龍王峪墩

富漢梁墩

瞭把山墩

中嘴山墩

馬頭山墩

南祖山墩

盤道梁墩

喇河口墩

馬邑縣志上卷

輿圖志

輿圖之係重矣周禮大司徒掌天下疆域圖而復正於職方氏誠重之也况考古證今採風辨物胥於輿圖乎會之故首及焉

沿革

本縣禹貢在冀州之北域周屬并州春秋為北狄所據戰國屬燕秦時建城輒崩忽有馬周旋馳走反覆後隨馬跡築之城乃成遂名馬邑漢屬鴈門隋置朔州總管府太業初屬馬邑郡唐貞觀初屬大同開元五年析鄯陽東三十里置馬邑河中節度使遂徙

州於馬邑五代仍其舊唐明宗置寰州晉滅唐割屬於契丹遼金元因之

國朝仍名馬邑原額八里永樂十年併為六里成化十八年併為四里隸朔州宣德九年置所北展半城居之

疆域

縣境在大同府西南二百四十里朔州東北四十里廣七十三里袤九十五里周圍共三百九十里東至山陰縣界新興鋪四十里西至朔州界七里河三十里南至代州鴈門關界八十里北至朔州界洪濤山一十五里東到山陰縣六十里西到朔州四十里

南到代州一百二十里北到大同左衛一百八十里
東南到廣武站五十里西南到寧武關一百二十里
東北到懷仁縣一百五十里西北到井坪城七十里
東南到布政司四百六十里至北京九百六十里至
南京三千四百六十里

分野

雲中入東井一度鴈門入東井六十度朔州當昴
畢之分本縣界在雲朔亦屬昴畢之分

山川

雷山縣西北十里下有源泉出焉 洪濤山在雷山之側周圍 馬

頭山在苗家山之左 洪河峪縣東北 紫金山在南山

十餘里山形勢似馬故名 太和嶺縣西南 楊六郎寨在太

馬
山
系
心
二

西山北口上楊將軍筆架山
 屯兵之所基趾猶存
 在南山兩山壁立峻峭中有一路盤
 旋崎嶇故老傳楊將軍曾負固于此
 濤山金龍池二水合流喇河復注經流
 西南東三面至鄆河東抵山陰達蘆溝橋
 北五里水淵默澄深源黃通泉
 出寧化天圍蒲萍茂盛黃通泉
 與寧相通池恢河紅崖村伏流十五里
 水脈相通池恢河紅崖村伏流十五里
 出經朔州馬邑縣城南東黃水河
 流至莊頭村入桑乾河
 十里三泉不縣東五里平地湧泉澄清
 里三泉不縣東五里平地湧泉澄清

風俗

本縣界在雲朔肘腋

京師風聲漸被斌斌興於禮教矣但民性渾朴惟事
 耕耘飲食衣服多尚簡易至於慷慨輕生剛毅任俠

信鬼好祈猶不免西晉之故俗云

形勝

東護雲中西擁朔郡洪濤山層障於後鴈門關疊峙於前河出桑乾遶九曲而南渡流接恢水障百川而東之誠為北胡鎖鑰然嚴保障謹斥堠慎封守勤偵探又責任守禦者焉

村堡庄頭村

水磨頭村

三家店村

李磨疇村

羅家疇村

東寺院村

西寺院村

西河底村

俱隸縣東

橫河頭村

大夫庄村

榆林子村

鄒和村

羊圈頭村

上沙家疇

下沙家疇

泥河兒村

俱隸
康北縣

十里後村

李沼疇村

河沼疇村

新近疇村

永安庄村

河淋禽村

劉令史營

新村兒村

滋潤村

下關城堡

楊十二庄村

吳家庄村

青塚村

李林庄村

黃水河村

史家庄村

小寨兒村

代堡村堡

西君村

東君村

陳家庄村

卞子疇村

三泉村

寺頭村

俱隸
縣南

北婁番村

南婁番村

辛庄子村

南曹村

北曹村

連兒疇村

塗臯村

俱隸縣西南

東邵庄村

吉家庄堡

神頭村

司馬泊村

陡溝兒村

張家口村

平易村

焦家堡村

俱隸縣西北

吳佑庄村

馬跳庄村

俱隸縣北

鋪舍在城鋪

西十里鋪

三家店鋪

羅家疇鋪

新興鋪

滋潤鋪

卞子疇鋪

察罕鋪

楊十二庄鋪

北口鋪

嶺底鋪

古蹟

櫓臺

在城內老傳謂

西北陽高四大餘父李衛公所築觀星者

長城

西達朔州神池口父

老傳謂秦始皇所築以禦胡者

古寰州城

在城關西迤南五代唐置寰州遼罷為縣古城即其

馬邑系

口

舊址金龍池 在司馬泊其水淵深清致池中產一馬因

名其神婆跡 在洪濤山嶺俗傳有神嫗攜子遊石上

存之古峯臺 在庄頭村臺高四丈中空可匿下闕城村在

東一里許 周園八里古戰場 泥河村東北有戰馬跳

基址俱存 世代莫考古戰場 跡營壘俱存南岸上今

庄古傳尉遲公龍池降馬騎 寰州寺 在縣南二里許

廢六郎寨 在縣南五十里父老傳謂楊元忠臣故宅

或宅地門有元忠臣崔斌 崔基址猶存 峯臺上用鎮水

泉秋聲 在鴈門 潺湲北十里雨霽則嵐光掩映泉溜王

八景

土之鴈門聳秀 在縣東南峯巒疊翠一帶如列屏障

心馬

穀

呀古寰落照池即寰州寺久廢今遺址在恢河南岸宿

鳥投林與落霞相上櫓臺遠眺出在縣城內西北隅高

下亦一時之奇玩也櫓臺遠眺出在縣城內西北隅高

顧但見山光水色種種仙儻所謂空中樓閣非耶龍

令人心曠神怡飄然欲仙儻所謂空中樓閣非耶龍

池月夜辟在縣西北十里四圍皆水寺居其中如古之

光搖檻列桑乾冬煖在縣西門外自金龍池神頭山

瑩然可愛桑乾冬煖同來過縣東至鄆河三十里雖

時當盛寒亦不結凍而溫煖之氣如烟神坡古寺南縣

如霧散滿於城廓間誰謂塞上多寒哉神坡古寺

宣闌惟見鳥聲雜沓亦養真之一地也春麥

黍稷粟大豆大麥春麥

蕎麥 短豆 黑豆 大豆 扁豆

葫蘆 麻

果

桃

杏

棗

李

杜梨

榛

瓜

西瓜

甜瓜

苦瓜

王瓜

木瓜

菜瓜

葫蘆

瓠

絲瓜

菜

芹

芥

葱

韭

蒜

茄

白菜

甜苣

苣

茗蓬

萵苣

波稜菜

蔓菁

藤萵

芡苢

白蘿蔔
胡蘿蔔

蘑菇

黃花菜

蕨菜

地皮菜

花

葵

菊

石竹

山丹

牽牛

旱荷花

金盞

玉梅

薔薇

雞冠

粉團

芍藥

刺梅

萱草花

十樣錦

百般嬌

海納

拳丹

無花果

漫陀羅

水紅花

珍珠花

木

榆

柳

桑

槐

椿

栢

松

楊

檜

藥

苦參

五味子

管仲

沙參

甘草

麻黃

柴胡

防風

京三稜

川芎

郁李仁

細辛

遠志

威靈仙

桔梗

蒼朮

款冬花

大黃

葶蘆

荊芥

黑牽牛 華麻子 御米 地黃 芍藥

枸杞 地榆 益母 黃芩 黃耆

野菊花 石膏 知母 車前子 猪苓

紫蘇

薄荷

禽

雞 鴨 鵝 雀 鴉

班鳩 鶉 鴿 鸛 鷺 鴈

鵬 野雞 半翅 石雞 鶯

鶴 鶉

青鶉

燕

獸

牛 馬 驢 猪

羊 犬 兔 貓 鼠

鹿

獐

鱗介昆蟲

促織

蛇

熊

狐狸

魚

螻蟻

蜻蜓

虎

黃鼠

蝦

蚯蚓

狼

蛙

螻蝻

麀

蝴蝶

蟬

建置志

春秋書興作必嚴美刺者重民力也第王公設險以守國君子攸躋以視事有不可因陋就簡者至於田賦橋梁戎馬市廛則內安外攘所係尤重焉因併及之

城池

右傳秦時即有城然皆土墉歷漢唐宋未有易之

者我

朝洪武甲辰守朔指揮孫昭奉

命更築隆慶六年巡撫大同劉公應箕按宣大史劉公

良弼會議以築邊城

上請允其奏乃命知縣岳汴守備時爾直分督之經始

於隆慶六年四月落成於萬曆元年十月四面砌以

石基五尺上俱用磚包之角樓四座城樓二座東西

門有重樓高四丈周圍六百四十丈

公宇

察院

在治東洪武八年縣丞宗秉彝創建大門三間儀門一間正廳五間退廳五間前後廂房

各三萬曆九年冬十月被火災署縣事教諭胡
重建萬曆九年知縣趙承芳重修增儀門為三間新
建穿堂

三間

分司 在治東大門一間儀門一間前廳退寢各三
皂舍 儀門各三間

大門 儀門各三間

皂舍 儀門各三間

縣治 在城中街迤西南向洪武八年重建前堂三
嘉己未趙德祐相繼重修萬曆九年知縣趙承芳建

芳牌 一座東西六房舊共六間又增修一十六間建

正堂 抱厦三間知縣宅在退堂後典史宅在公廨東

寅賓館 三間在儀門外東側預備倉之西萬曆二十

一年 知縣

王日 新建

預備倉 在儀門外東側

公署 在察院前街南正廳一間有半小南房三間
門樓一座萬曆三十六年知縣宋子質建

養濟院北房三間 草場 俱在縣治西北

廣武驛 在西門外大門上有樓房三間二門一間 舍三間正廳五間退廳三間左右各廂房二

間馬神廟一間

接官廳 在縣西河外大門三間二門一間 正廳五間廚房二間署縣教諭胡璉建

戶口

洪武二十四年有戶七百九十二男子三千七百

二十四

永樂十年戶六百一十八男子二千七百三十五

嘉靖二十七年戶五百一十六男子二千一百一十

五

萬曆十二年戶五百四十五男子一千四百六十九

萬曆二十三年戶五百四十七男子二千六百三十
六

田賦

洪武二十四年田地一千四百八十頃九十二畝
六分

夏稅豆麥四千四百九十四石五斗五升四合三勺
五撮

秋糧粟米三千四百六十一石四斗八升三合七勺
八抄

永樂十年田地一千四百六十二頃二十六畝一分
夏稅豆麥四千三百九十石六斗三升三合二勺四

抄

秋糧粟米三千四百四十三石五斗五升三合

隆慶年間田地一千二百七十六頃二十二畝六分

夏稅三千三百二十四石六斗四升五合六勺一抄

五撮

秋糧二千五百五十石五斗一升五合三勺

馬草一萬六百五十一束二分一釐五毫六絲

腳價銀一百一十一兩四錢六分八釐九毫四絲五

忽八微

萬曆年間田地一千七百一十七頃五十畝四分三

釐八絲

夏稅三千二百二十四石六斗四升五合六勺一抄
五撮

秋糧二千五百五十石五斗一升五合三勺

馬草一萬六百五十一束二分一釐五毫六絲

腳價銀一百一十一兩四錢六分八釐九毫四絲五
忽八微

嘉靖年間牛具銀四十二兩五分八毫六絲

隆慶年間牛具銀四十二兩一錢五分八毫六絲

萬曆二十二年牛具銀四十四兩四錢二分一釐八毫

六絲

嘉靖二十五年差銀一千一百二十三兩六錢四分

萬曆十二年差銀一千一百九十五兩三錢五分

萬曆二十一年差銀一千五百六十二兩五錢

萬曆二十三年差銀一千五百二十四兩一錢

鹽糧四十七兩三錢七分六釐連閏五十三兩七錢

九分六釐

嘉靖二十五年驛糧一千五百二十石

萬曆十二年驛糧一千二百三十石一斗九升七合

三勺

額徵匠價銀二兩七錢

課程 洪武二十四年油房水磨始定課程每歲徵鈔四

百六十三錠一貫七百三十九文後復稅及商賈添

銀五十五兩五錢永為定額

武備

守府 近東門大街南向大門三間儀門一間正廳

五間東西廂房六間

守禦千戶所 在守府西大門一間二

吏目廳 在治東北大門一間正廳三

旗壽廟 在守府東大門

軍儲倉 在治東北大門一間東廂一間西

演武場在城外東坊牌一座

軍器

盔 五百二十
甲 五百八十
弓 一百七十
箭 一千五百
腰刀 三百

九十
大刀 十九
棍 八十

火器

鐵 二將軍
四鐵 三將軍
四銅 手把銃
二十大佛郎

機 四小佛郎機
四二次小佛郎機
三十銅流星砲
二十

一銅無敵手銃
一飛鎗砲
三雷飛砲
五小子砲
二十

大小提砲 二百二十
鈎頭銃 四
鐵盞口砲 一
十飛砲 一

神鎗 二十
毒火飛砲 十
懸砲 七
夾靶鎗 四
蒺藜圓炸

砲 七百八十
鉛鉛子 五千
英子砲 七
湧珠砲 十
火藥 七十八斤
十六

墩臺

檣臺墩城在上西護城墩
城在北羅辛中墩
縣東二河南

墩縣東南馬頭山墩縣東北高龍王峪墩縣東北

瞭把山墩縣東北中嘴山墩縣東北富漢梁墩縣東

北四十里鶯臺山墩縣東北寶峯山墩縣東北南祖山

墩縣東北八里墩縣西盤道梁墩縣西北喇河口墩

坊牌

龍章世錫坊錢奕世烏臺坊霍貞節坊霍鉉妻王

肅察貞度坊在察院東進士坊一為甲辰進士武文立

一為辛巳進士焦昇立雲程坊為丁酉舉月桂坊為舉人經元

坊為經魁亞魁坊為戊子科舉貞節坊為節婦張氏

橋梁

石橋在東門外吊橋在西門外桑乾河橋 帙河橋 黃水

河橋三橋春秋水發即廢

市集

城中市集每旬三日在關王廟前每六日在西關

每九日在察院門前

屯田

國初原額官軍一千六百三十二名正統七年撥

安東中屯衛遺留地土置所立屯共地一千六百八

十頃

夏稅豆麥七百九十三石三斗二升一合八勺九秒

九撮三圭

秋糧粟米七百九十三石三斗二升一合八勺九秒

九撮三圭

穀草二千五百七十五束八分

牛具草價銀六十五兩六錢三釐二毫一絲九忽

嘉靖年間因虜患頻仍屯地荒蕪停徵夏糧一百八石二斗六升四合八勺九秒九撮三圭秋糧一百八石二斗六升四合八勺九秒九撮三圭

萬曆二十二年屯田地二百四十九頃五十畝三分四釐地畝地二十四頃六十九畝三分牛具地一百六頃一十五畝

夏稅豆麥六百八十五石二斗七升五合
秋糧粟米六百八十五石二斗七升五合

草價銀仍舊

馬政

原額馬一百九十匹見在馬一百七十匹孳牧馬

今革

學校志

學校闕士習而世道否泰因之故學之不可以不興也學興則才育才育則化敦化敦而治亦隆矣馬邑雖當邊鄙而士子近多雋髦則霞變雲蒸當必有待其所資藉於學者非淺鮮也可弗志乎至於蒙養始教亦聖功之不可缺者故附於後

儒學

在縣治西洪武二十七年知縣李德重修明倫堂三間左齋三間曰博文右齋三間曰約禮萬

曆十年知縣趙承芳因學廟中隔於民舍請動贖金五十兩買民間隙地因恢其規制學宮廟宇聯而為

一重修大門三間東西二齋增為十間儀門東為
聖祠教諭宅在明倫堂西訓導宅在博文宅後萬曆
二十二年知縣王日新
又為鋪角路馬

書器

誥律二本 易經十本 勸善書八本 禮記九本 四書九本 五倫
書八本 詩經十一本 春秋七本 性理三本 書經九本

祭器

錫籩四十 銅爵十二 錫爵七十
社學 舊在治後久廢萬曆五年知縣王梅於治西買
民間隙地建廳房三間東西房各二間門樓一座

祀典志

祀國之大典也豐功偉績匪祀無以報是故明王重
之

先師與兩壇等祀其制定矣他若三龍王典一方雨澤

鄂國公著萬古英靈則於祀亦以義起云

文廟

正殿五間東西廡各五間
禮星門三間

壇

社稷壇
迤在北門

風雲雷雨壇

在城南配
以城隍

厲壇

在北城

祠

祭啓聖祠

在儒學大
門內東

文昌帝君

在城東
南角樓

魁星樓

在臺上

名宦

明漢

灌嬰
齊壽

張敬

後魏

王恭

嘉岳

李靖

宋党

崔進

完

鄉賢

明魏

張遼
曹必田

張文

隋

伏慧

周德

威

金

李完

崔珙

城隍廟

在治西正廳三間
在治南大門三間
在治東西廊房

馬聖祠

在東外門

工神祠

在縣治儀門外東

唐鄂國廟

一在司馬泊一在東門樓上

二龍王廟

在神頭村

官師志

官師者民之宰士之宗也政治之得失教化之淳漓

係馬馬邑官師古籍剥落無從述矣我

朝定職定員咸正罔缺而題名久無記石中間類次年

紀多有差訛而姓名湮没不傳者亦有馬至於守禦

諸司職專戎馬則於例宜併載云

知縣

李德

洪武年任

劉談

直隸人

劉經

河南人

齊壽

蠡縣人由監生弘治

四年任禁伏亮人保安張聰弘治陳達遼東李英東山
善類民到於今稱馬遷安縣人由監生忠厚誠實吏

趙珣直隸張文燧畏民懷致政而歸士民思焉

王功陝西劉悅河南人高彤陝西人吳滋陝西韓魯

山東何崇信直隸羅經山東周廷傑陽山東萊苑侃直隸

王一鸣齊東縣人由舉人嘉靖丙午任性秉溫厚

咸誦之嘉誨生儒士多籟以陶成民至今尤誦其

德應春直隸倪雲鶴直隸趙德祐陝西李允中直隸

張臻河南人吳國貢山東登王濟洙直隸宗鎰陝西

舉岳汴陝西延安人由舉人政善民慕陸陽河南

史策遼東王梅河間王道舉縣人魏克頑元氏縣生

趙承芳無極人由舉人陳文獻長安人由舉人閻卓

衛縣人由舉人施為霖東安人監生王日新山東寧海

人由選貢萬曆二十一年任康徵衡水人由監生張汝濬昌平人由

監生萬曆二十一年任宋子質昌邑人由舉人張弘德選貢齊河人

賈尚志舉人固安人李一道舉人咸寧人馮橘舉人保定人劉蘊選貢鄭州人任澄

清舉人盤匡人李騰蛟涿州人喬萬富平人李僑安肅人

典史

陳廷誥陝西人梁世美蓬萊人洪道中直隸人孟序

劉級徐州人彭守教直隸人吉璠華陰人劉天爵陝西人楊君望

初恩縣人孫邦彥山東人張宮陝西人潘士賢通州人

朝邑人萬曆二十年任樊元圃霸州人李繼善丹徒人

程慶元合肥人 廉進秩山東平陰人 金必典江南桐城人 民懷德

政士庶思焉
順治元年任

教諭

李聰雄縣人 唐盛鳳陽人 謝旻慶都人 劉璋陽武人 陳寧順

趙爵垣城人 張榮臨清人 王永裕武功人 李善晉州人 李玳

海豐 馬尚德萬全右衛人 俠良謨高陵人 王機賓州人 唐士元

齊河 戚世登安州人 張克忠閿鄉人 胡璉國城人 李騰霄黎城人

羅廷璋霍州人 申道山西人 楊思之遼州人 張典南陽人 張

澤民直隸人 程鷗萬全右衛人 鄭光祖陝西人 任貞陝西人

馬化龍保德人 孟時芳武城人 王繼文曲陽人 韓國彥廣平人

訓導

李昂原石人 崔倫直隸人 張鑑直隸人 惠璧蒲城人 牛珣磁州人

人王寶人鉅鹿張仁人齊東文舉人寧夏苟廉人陽信閻景陽

高陽人劉昂人祁州李棟人趙州馬萬程人定州許汝瑞人東安

郭廷棟人平鄉高彥臣人武衛高冠人解州弓邦衛人崞縣翟

仲爵人懷來李萃芳人忻州鍾邦望人河曲萬曆

楊時暢人漢中崔鈿人安陽李應昕人猗氏

守備

張鑑千本所李淮指大周勇指左衛谷琳指右衛呂鎮同大

指許鎮指大同馬芳指大王輔指大同陳銘指大同王招同大

指陳恭指右衛朱璋指天城張璽指平虜韓鎮指大同黃璽同大

指孫安指靈丘王浩指大王鏞指大同蔣譚指直定李璋同大

指揮薛柱保安李世爵偏頭所邊大振山陰張士英武寧

指揮時爾直沁州楊培應州楊一名偏頭所閻金臯直隸

武進莫如德宣府武進席仲仁左衛聶蘭右衛馬紀宣府

武進孫承賜陽和宋世相右衛鄭國珍陝西綏德衛

曆二十年任王之都寧山李國忠右衛王國綱大同

陳大亨北直王士俊右衛

所官

陳國謨指揮鄭建邦千戶楊金千戶張勳鎮撫袁至忠鎮撫陸

甲鎮沈廷章百戶顏綱百戶夏天臣百戶鄭承勳百戶方勳百戶

所吏目

蕭大經

霸州人

王一中

直隸人

李瑾

山東人

孟萬倉

直隸人

萬世庫

臨清人

潘謨

浙江人

馬勇

陝西人

李秉齊

山東人

韓

東藩

河南人

周承儒

三原人

選舉志

鄉會之制所以掄一省之秀萃天下之英也即周禮

賓興升於大司徒遺意我

朝名卿碩輔率由是徒以出馬邑奮跡科甲者前亦有

人迨嘉靖戊子而後寥寥矣謹志之用儆後學以自

勵云

進士

田彭成化十七年進士 武文弘治甲子進士 焦昇正德丁卯

李從心萬曆辛卯進士 霍鎮御史府丞 祀鄉賢

舉人

郭津永樂十年 張敬永樂十一年 郭太永樂十二年 王佑成化

孫雄成化四年 陳憲成化十五年 張元相嘉靖戊子 霍鎮萬曆癸卯

歲貢

曹泌江西御史監 田疇常熟縣知縣 宋亮漢陰主簿 張諄任

張顯磨照 趙亮獲鹿主簿 魏茂靜海主簿 趙郁朝

孫志新城知縣 翟昶萊蕪縣丞 田貢四川布政司理問 武鑑盧

張端夏津縣丞 王佐江寧主簿 王宗延安府照磨 段春廣

吳麟白水知縣 趙寧高城主簿 王弼寶慶 張禮始

王瑄延津縣丞 尹鑑杭州府推官 孔鑑吳英

任定興縣丞張璞任山陽縣丞霍洪吳琮任夏津縣訓導張聰任庸城縣丞

段鳳任肥城縣丞段鵬任玉田縣歷張尊爵任廣平府知事焦昱任魏縣主

簿李文林任陝西李琇任環縣吳鏞任永昌縣歷孔賜任河

內縣丞吳邦相任藁城袁綱任鳳翔李舜民任杭州趙

珍任葉縣白和任咸寧全昌任寶坻李漢民任遼東

趙雲鵬任鞏昌白廷臣任元城焦星任武清陸希贄

王汝相任宜君焦是任武清張梳任扶溝陳漢任應

歷經霍自新任五臺李崇仁任宣化府萬沈廷桐任交

訓導焦承儒任夏津張四術任澄城解龍任陽谷張拱

端段繪龍霍朝重通判封府丞霍朝綱任壺關王陳言任

馬

原府訓導張廷棟任淄川焦鷄任永寧元袞趙汝華授蔚州

訓導顏學書任曲陽劉憲任彰德府焦承熙田世芳

任太谷王道中任臨縣趙之屏任太寧沈文煥任太原

霍錢朝重之子命并知州轉臨府同知張謨訓段上璋霍鏘

高陵教諭李如榛三任知縣徐三變樂平賈漢卿代州

元體震劉進美霍鈺恩貢吳應舉平陽霍紹芳縣丞

謝宗文米脂張名世選貢今白水咸陽醴泉三任陞

蔣時中主簿焦承基訓導霍萃芳永平府霍騰芳按察司

鄭九州選貢田繼初主簿霍之璽拔貢符震寰田世蓼

康詮 顏溥

馬己系云二

一

例貢

賈冲

賈正明

益都縣丞齊鈞

揚州照磨齊尚卿

田浩

齊宗良

段世勲

田玉種

霍呈芳

鴻臚寺序班

霍揚芳

田大成

霍毓芳

霍濟芳

霍之瑾

李蕪

人物志

夫繩劔不必其莫邪銛鋒也繩人不必其紆朱拖紫也馬邑多賢豪隱見不同其負異懷奇有足多者故自漢唐宋以來或勲業之著或德行之淳或節義之全雖其任質蹈志各以彙別然僉足以勵世云

達士逸士漢

聶壹

馬邑豪因太行王恢言匈奴初和可

恢議使韓安國等將軍騎材官三十餘萬匿馬邑旁

谷中陰使聶壹為間單于穿塞將十萬象入武州塞

得鴈門尉使知王霸為漢戶部尚書避王莽亂棄官

其詐遂引兵還後從者皆恐至滹沱河侯吏白水流漸不

王郎兵在後從者皆恐至滹沱河侯吏白水流漸不

可濟霸往視之恐驚象即說曰水堅可渡比至河亦

堅霸乃獲渡未畢永解明周黨避亂徙居太原建武

帝五年圖像雲臺以報焉周黨避亂徙居太原建武

見伏而不謁自周黨避亂徙居太原建武

三國

張遼

字遠從曹操討袁譚有

隋

乞伏慧

性慷慨有大節積封

唐

苑言揚

單雄信

苑君璋

周德威

字鎮遠

字鎮遠

字鎮遠

字鎮遠

同騎破王行瑜有功遷衙內指揮使後拜振武節度使

師配享尉遲敬德驍勇絕倫善避稍先事劉武周後

封鄂國公圖像於凌烟以

周

党進周太祖以為鐵騎中

金

李完以經童出身登進士第為

元

崔斌為江淮行省左丞文武毅章為御史中丞至平

國朝

曹泌江西監察御史行事清介致田彭陝西左布政

任忠清居鄉行不就武文兩任知縣博學能文聰穎有

霍錢襃罷開先詩書裕後單車就職潔己愛民掛賢

賈冲性恬退應例元傑丘園一經教子無窮究優游

節婦

韓氏三歲喪夫守志四十五年卒張氏縣丞張璞

元天瑞不幸早喪張氏撫育
遺孤教以義方誓不再醮
陸氏知縣陸宗女適庠
撫育之遺孤杜氏庠生李寵妻二十歲失
也不幸亦卒杜氏偶守節教子再無異志

雜附志

馬邑當朔漠之地自漢唐宋以來中殘於兵燹者固
多歷歷可紀然亦邊圉常事故畧之不述至於事紀
關於邑者亦興衰之槩遺塚見於邑者亦感慨之因
他若廟寺之設雖為不經然而福善禍淫義誠大焉
皆附志之

事紀官

威寧五年閏七月馬邑雨雹元康五年九月鴈
門馬邑太原上黨災風傷稼明年氏羗反叛十

月馬邑青虫食
禾葉十傷五六

唐

大中三年十月辛巳馬

宋

元祐七年十月

國朝

萬曆三年七月水災十一年三月地震三十五年

墓塚元

閩丞相墓在吳佐青塚王昭君墓考昭君墓在

化為外豐州沙灘今以亂塚廣武站西北塚有二百餘

廟寺

三官廟東閣下白衣大士庵一在北街倉東霍鍾芳建

北嶽廟在東龍王廟在縣聖母廟一在治西一觀

音閣在治觀音亭一在治東街崇恩寺在治北玄帝

廟在櫓龍泉寺在司馬增福寺在橫樓雲寺在寺高

龍王廟在沙家蒼山大王廟在青龍王廟在城東河南

二水合襟處北岸萬曆三五道廟在西門外

十六年知縣宋子質建

馬邑縣志下卷

藝文志

文以貫道彰往而昭來者也馬邑文藝屢經兵燹僅存什一於千百或著為傳記或形為詩歌雖言人人殊要皆茹英吐華一本於道中文義無足取者不錄

碑記

脩馬邑縣學志

僉事王從鼎撰

皇明大一統郡縣徧設學校以道德淑人心秦漢唐宋以來未有盛於今日也凡有官守者以崇文教飭祀典隆廟貌為知所先而不忘道之所自否則君子不錄馬邑學興創無可考前人之為何其苟簡而所以

處吾夫子何其薄哉正殿聖賢神靈所棲制宜宏敞
禋止三間而風雨不蔽餘皆歲久故構摧落頽垣敗
壁幾為草莽之鄉過者瞻之孰知夫子宫牆之所在
也我新河陳公寬以憲副按察冀北適蒞茲邑謁夫
子廟喟然嘆曰吾夫子道德高厚與天地同運一廟
之崇卑在夫子固不足以為損益但教化之地古今
同仰鄙儒俗吏不知所先乃為夫子吝財若是乎隘
且陋也因召宰邑者咎之咎曰四里小邑彫瘵久矣
烏能舉大役屢曾申請上司不曰仍舊貫則曰俟歲
豐登不曰工費浩則曰事非急務非吾罪也因按縣

藏果無餘積適有犯侵察院舊址者悉復之而以東
南一區兌民間址以闢學門大路又措置銀二百餘
兩委典史張信召工飭材以司出納增正殿二間而
新其塑像隆其雕飭餘悉撤其舊而新之曰明倫堂
戟門曰櫺門星曰庖曰廩各為間者三曰號舍為間
者十四殿廡之上黝堊丹漆煥然維新堂門以下皆
中矩度經始於弘治辛酉三月落成於十月知縣張
文燧教諭唐盛訓導杜森與諸生謀曰邊方小邑學
校久廢今輪奐一新而士氣倍增儒風丕振大為茲
邑之先是役也烏可不書諸石以昭示永永因具始

未狀求予記予謂有天地則有吾道有吾身則知有夫子大而三綱五常小至一事一物道吾不在吾夫子揭道之的以詔萬世微夫子孰知為臣而忠為子而孝乎我陳公以儒起家由進士拜監察御史擢僉事副使所至聲迹赫然皆由夫子之道而顯也茲學之脩其知所先而不忘所自者歟昔李鄴侯新處州孔子廟韓昌黎稱之曰鄴侯尚文故其為政知所先後今馬邑之功何愧於處州惜無昌黎之文以揄揚之如予之粗淺烏足以當紀載之任聊以塞二三子之求耳然陳公之功亦非予文所能盡也是為記

脩馬邑縣城記

教諭張克忠撰

馬邑城巔末沿革見諸前志然形勢雖雄不過屹然
土壙而已以之抗醜虜捍強敵非所宜也時隆慶六
年巡撫大同地方劉公應箕按宣大史劉公良弼因
北虜款貢適厯內憂乃協謀具䟽

上請凡應山懷馬悉

請磚之蓋欲為未雨綢繆之謀以奠

國家無疆之基也於時

上允其奏財發於帑工出於丘以厥任責成於知縣事
岳汴守備時爾直比三年之內務覘成效二公夙夜

勤勞罔敢暇逸公賞罰以勵工匠均勞逸以平役使
不二載而大工告成紀其時經始於隆慶六年暮春
之朔落成於萬曆元年中秋之望夫厥功既成乃要
其支費括其出納度其規模以紀其盛大墻敵臺所
以雄保障也周圍共六百四十大高三丈甕城二座
所以樹重關也周圍共六十丈各高三丈四尺女墻
一圍所以捍矢石也通長高四大月城二座所以聯
抱掩也周圍共五十丈高二丈東西二門如制三重
縵以鐵葉固以鋼釘鏗乎其堅也東西起大樓二座
四面鋪樓各三座四角敵樓一座危乎其崇也城之

基奠之以石共用石條四千五百大石之上積之以
磚共用磚三百五十六萬四千箇聯磚石而一之者
灰也共用灰一萬八千四十五石造磚石而成之者
夫也共用軍民夫匠七百餘名夫役非糧則疲共食
口糧四百八十石四斗七升工匠非賞則惰共用工
價銀四百四十兩八錢四分鹽菜所以佐食也共用
鹽菜銀五百五十二兩九錢石炭所以煉坯也共用
工價銀二千五十三兩二錢夫出納明則支費足支
費足則規模定此大工之成所以有可紀也嗚呼是
工也匪才則孰與治匪機則孰與成吾岳時二公有

能為之才而又適接按二公倡可成之機才與機宜
而治與成會此邊城之固足以為天下之托而二載
之勞有以為萬世之利也久安長治之道端有賴於
此矣是為序

新建唐鄂國尉遲廟記

御史蒙詔撰

自昔豪傑之生鍾天地剛大磅礴之氣豈特揚曜吐
精樹勲業於當時已哉雖其沒也而是氣流通於天
地間與日星並明與陰陽並運不隨生而存不隨死
而亡每有感觸輒形諸夢兆若桴鼓影響然嗚呼烈
哉予昔閱唐書嘗壯尉遲公之為人嘆其真豪傑士

非特將畧之雄也每讀其傳歛襟起敬久之而公則
朔產也嘉靖丙寅歲予奉

命按治宣雲夏四月巡歷至馬邑一夕夢金甲神英姿
環持直立馬上馬蹀躞若龍金戈翠旗導從前後謁
予若有所訴者予覺大偉異其事翌日出至龍泉寺
見唐鄂國公遺像在馬叩其所自邑尹吳子進曰鄂
國舊有祠去此僅二里許藝於燹火有年矣棟宇灰
燼惟神與馬巋然獨存居民不狎於棲神之無所權
奉於此以存尸祝遂即其遺址觀焉草莽丘墟睠言
懷感予曰異哉向夕予夢金甲之神非與祠前有金

龍池即桑乾河源也清漣澄澈嚴冬不凝邑尹復進
曰舊傳池有龍時化為馬一驪一黃人莫敢御唯鄂
國驍勇絕倫能跨而制之予又曰異哉予向夢金甲
之龍駒非與夫鄂國輔唐昌運其所樹立固雄偉不
常而臨陣決勝指麾馳驟無能當之者蓋得於馬力
居多然則馬之為龍昭昭也乃千有餘載予夢中歷
歷見之一何竒哉於是諸武士跽而言曰惟我鄂公
生此朔方靈憑於茲凡軍旅所向咸有陰助吾人藉
神威久矣廟貌不稱何以振揚士氣乎於是諸耆民
跽而言曰惟我鄂公幘幪茲土民有寧宇歲時禱祀

應靡弗預患為之駟而災為之禦吾人蒙庇久矣祀
典不脩何以慰愜人心乎予曰噫哉夫有功於民則
祀之能捍大患則祀之神無焉矧赫厥靈於夢寐是
神之冀也民之望也而亦觀風者之責也盍祀哉盍
祀哉乃語冀北分守范君暨邑尹謀新之乃為正祠
三間轟如也為左右廊房六間耳房六間櫛如也為
二門三間大門三間翼如也圍以堡墻周六十四丈
一尺有奇曠如也戢如也地仍於舊紀芳趾也費出
於公杜私擾也經始於去秋七月十日落成於今春
三月念日周綜理也復買近地一頃以給守祠之後

圖久遠也聲以鍾鼓樹以干旌俾民耳目有觀聽也
祠宇既成廟貌攸妥辦香瞻拜宛若夢中見者於是
士氣奮揚人心孚悅適范君擢口北分巡周君以山
西督學來代暨吳尹復言於予曰鄂國見夢於公豈
惟其祠祀是崇哉亦將賴公文以垂不朽予曰有是
哉顧予安能文之雖然公之勛業載在汗史者則不
然可不勒諸貞珉以告於世予謹按史稽首言曰嗟
嗟鄂國其真古豪傑士哉方其崛起兜鍪中遭際英
主乘時奮翥嘗先登陷陣擐甲而擒世充攘臂而平
黑闥搴旗而降建德奪槊而墜雄信一時智勇如衛

公褒公皆自謂莫及則公勲烈豈不巍然出諸將之上哉然世人皆知公雄勇冠軍至論公人品世未必盡知也予嘗究公為人大類關雲長云赤虬飄颻即髯絕倫逸羣也所向披靡羣雄膽落即羽威震敵國也躍馬突陣而脫秦王其視解圍古城者無愧也擒王琬萬人中叢刺莫傷其視馳勒頗良者何惡也羽於玄德投以肝膽公事太宗攄以赤心尋相之誘不去建元之賄不入其精忠大節相符契也羽乘赤兔公得驪駒類皆龍種蓋天所默賚以弼成雄竒踔絕之蹟者又相膂合也雖羽不幸死國事公幸而興唐

其大都實等埒焉然此特公論人品耳至其心術之
微世又未必盡知也是故席次憤歐人謂公為非禮
不知公忠義不容姦邪乃其天性視誤國之許敬宗
懷姦之徐世勣不啻犬豕肯井與為伍哉富不易妻
人謂公守己介特不知公因是悟主使當時知此義
則才人不選貞觀無養虎之愆昭儀不立永徽無牝
雞之患又安致顯慶以後紛紛哉噫此公處心積處
之微世莫能知者予叙公勲業因白其心如此俾後
為將者知先立根本毋徒視勇略為也嗚呼方今邊
郵多警安得如公者坐鎮帥閫叱咤風雲使醜虜不

敢南牧以抒

當寧西顧之憂哉予聞朔俗慎伎好氣慷慨磊落士多
生其地庸知不有繼公而出者哉文信國曰歿不俎
豆其間者非夫也今廟貌赫奕人心敬仰又庸知不
有興起奮勵思接武俎豆者哉予願公靈當默佑於
斯也范君諱大儒山東霑化人庚戌進士周君諱斯
盛陝西寧州人癸丑進士吳子諱國貢登州府人貢
士於茲籌義殫力克襄成事例得書云

重修唐鄂國公廟記

知縣王一鳴撰

馬邑城西北十里許舊有唐鄂國公廟創造罔稽何

馬邑縣志卷一
時重脩於弘治辛亥歲有碑文可徵按公姓尉遲字
敬德謚忠武族居鄯陽避稍以勇稱辭昏以義聞除
亂輔德以忠貞著固宜凌煙昭一代之名馬邑享百
世之祀者洎嘉靖辛丑歲北虜入寇殿宇神像焚毀
幾於丘墟迺今戊申歲春

欽差鎮守總戎周 築長城萬里遠服胡人脩廣厦千
間大庇塞士因武事之少寧乘農工之未作捐俸集
財量功命日遣旗牌官劉勳同本城守備王貫董其
役督千戶陳國謨趨其事且倡邑士及鄰境文紳武
弁富者助以財貧者効以力暨本職率典史孟傑謀

諸儒學教諭李善訓導苟廉亦各贊襄於其間踰月
苟完再月苟美正殿三間鄂公居之兩廊六間副將
居之左右房六間以供春秋之祀內外門二座以嚴
出入之防甬道周旋以便行禮垣墉繚繞以蔽窺褻
煥然廟宇之一新儼然神像之魚備碧水帶環於前
後青山屏列於左右夫草鋪茵喬林設幕對景可以
樂天真閒鷗浮藻遊魚穿蒲觀物可以形自得向日
景物荒涼之區遂成登臨佳勝之地矣夫工不成於
成之日必有所由起事不樂於樂之時亦必有所由
兆即今

天子端穆穆之容大臣廣休休之席軍門隆韓范之譽
元戎擅頗牧之威北虜退處於窮廬黎元樂業於畝
畝道路之間諜之往來晝夜無烽燧之警懼周公之
力居多所以有落成之美也昔孔子曰俎豆之事則
嘗聞之矣軍旅之事未之學也是匪直為衛君告所
以為世道惜今而襲英雄之威望際世道之昇平報
往昔之功勲舉廢墜之典禮予何辛而見俎豆之敦
崇而不見軍旅之橈攘夫不見軍旅之橈攘周公匿
武之功而見俎豆之敦崇周公覲文之力邊陲有此
中原可知固可以慶幸太平樂舉祀事不然奔走禦

侮之不暇吾輩得以優游此境乎嗚呼若周公者畫
策護民而安九邊之赤子盡心報國而鞏萬載之
皇圖其勇義忠貞視鄂公諒不多讓則夫今之視昔亦
猶後之視今也績繼凌煙祀享世廟不可立而待歟
不可立而待歟茲我輩所以樂觀厥成而欲銘功於
不朽也遂演以為記

重脩唐鄂國公廟記

府同孟周撰

桑乾冀北名川也發源龍池遡地會西山之脉撼洪
濤之根通天池之絡放桑乾之瀾瀟瀟淵淵洞洞汨
汨真魚龍居也志載池內獲馬之異及閱宋濂應制

撰鬼羅國獻白龍馬記迹於志載符節相合迺知天
啓明良川澤効靈非常也非誕也朔人尉遲敬德
獲之屢收戰績土人竒其神也築廟池側及我

太祖出主百神錄入祀典弘治間巡按侯公一恢拓矣
歲久風雨震凌將為漁牧地矣嘉靖甲申夏侍御寧
夏王公按朔道謁將軍真在此哉久而嘖嘖謂少叅
王公僉憲田公曰忍是廢哉國家昭忠勸義之典可
廢耶職祀典者即是而可占矣復謂守朔太監閻公
曰君寄心腹此典

祖宗有天下首意也計果偕此不其克寄耶閻亟唯之

明日鳩工運材樹頽易腐補弊繪落不踰夏於侯有
光矣第見礎綉枕龍垞之勝飛甍跨馮夷之宮洪濤
納翠舒卷烟霞海日朝紅浮沉金碧襟明月蘆華之
渚掖青蓮碧水之禪清泉萬竇鏡撒輪旋池影星旗
鼉吞蛟吐草烟點白鷺之幽柳衙浸琉璃之冷儲是
清竒物有不異廟有不神人有不景哉昔朱文公為
浙東常平使按黃巖首表溫節徐先生墓朱伯賢嘉
其勵風勸也王公當人心震懾之際倉卒而倡此舉
闔樂施已有夙夜祇承駿圖上答

高廟駕馭豪傑之意下慰九泉忠義之望中作隍陴歎

美奮勵之氣不刑賞而風勸能心文公心矣然不請
而令出役舉而人趨水村野廟動多繡之物色顏垣
破厦煥丹雘之層光緣忠義之在人心千古不壞故
翕應一機耳宋儒謂神不神於神神於人心之誠此
類人或以武人目之不知公之武根於義盡於忠觀
解衣出癥許婚面違可謂倜倜丈夫矣故謚曰忠武
將軍名姓垂凌烟勲業悉許敬宗應制之碑文厚葬
陪昭陵其廟貌迭新殆與水光山色爭明於無窮矣
廟西五里周之別業也少嘗藏脩於是休日徜徉於
是日其廢也特起玄都之慨感其興也遂忘續貂之

陋以塞請

重建鄂國祠碑記

給事中嚴從簡撰

馬邑之西北十里許有鄂國公祠故唐尉遲敬德所
血食也其南即為金龍池界迫窮廬豺狼叵測祠之
蕩於虜燹也有年矣歲丙寅柱史蒙翁近野奉

命按治茲鎮政成令洽百廢咸秩迺以其餘力聿新厥
祠蓋鄂公朔產邦人仰止如淮陰之廟韓信解州之
廟關羽所以崇遐勲倡雄氣而於邊壤為尤要焉先
是近翁蒞馬邑一夕夢金甲神來謁英氣凜爍直立
馬上馬道如龍歷歷可紀莫知何祥惟謹秘之翼日

聞金龍池即桑乾河源也因達觀焉得祠遺址荒雲
宿草方為太息縣令吳進曰此池後魏以來相傳有
二龍時化為馬一驪一黃天陰輒出人間牝馬遇之
生駒神俊或有角若鹿茸然未有豢之者鄂國生而
驍勇思收為騎每潛祠池傍果有神駒遊焉即飛跨
其上駒欲入池鄂國力制驅迴嗣是出入兵革多藉
其力後人因建祠於茲蓋謂天以授公存沒所憑也
近翁悟曰異哉昨霄之兆豈鄂國以冥棲無據乘龍
而告我乎且其豐功偉誼足表朔方祠非淫瀆久圮
不葺政媿幽格其何以鼓舞士氣乎乃命縣令聚材

隴工邑中子來煥焉美完予適以使至雲中近翁為
道其詳屬予記之予讀唐史見唐太宗之於鄂國惟
以一言作合曰大丈夫意氣相期嘗深味斯語謂豈
特一時君臣之會為爾哉凡我志士達人雖曠百世
且有相感者亦惟此意氣耳蓋氣在天地浩然流行
其鍾於人也或為忠節或為政事或為武績或為文
章雖樹立不同同於至大至剛之發越焉不以生有
不以死亡不以古有不以今無固有通千載為一息
者是故孔子見周公於凡席其經綸康泰之氣通也
陶潛見羲皇於北窓其淡泊真純之氣通也今夫鄂

國從太宗討竇建德王世充劉黑闥戰既高出諸將
上然方其初附唐幕大分未定不隨尋相等叛去而
傾心太宗及建成元吉誘以金銀一車不為動太宗
有心如山嶽之許忠節武積鄂國之表見於昔者何
剛大也近翁學冠天人才宏黼黻由進士拜大行采
風四方爨乎不辱今驄馬行邊以春陽惠民以秋霜
摧奸以時雨造士以盟鑑肅僚則文章政事近翁之
顯設於今者何剛大也且鄂國固比隅名將既佐武
德之勲及於貞觀弼成太平善政能以富不易妻辭
尚帝女晚年自戢不通賓客克保令終尤文士知幾

之所不及是又非鄂國之所以俯俟不惑者耶近翁固南海名儒立朝正色風節獨擎繡斧攸屈驂虜遠適寓折衝於樽俎誠可謂壯猷允武是又非近翁之所以仰契不謬者耶意氣夙浹精神默享夢寐之見亦豈偶哉且龍馬之說明証志冊固可覘乾陽之氣變化不拘而鄂國收之雖不史載然稱鄂國嘗以單騎蹈萬軍中叢刺莫傷雄信之圍太宗幾陷鄂國躍馬大呼翼之出使其乘非龍種烏能若是捷足哉人傳當為不誣况祭法所載像奉為宜非特妄鄂國之靈亦以秩正殷禮教人有勇知方也自今伊始香火

駢巖芘芬暢達觸處洋洋將使星輝狐嶺月朗鳳山
其公委身英主之明見歟浪翻威海風鼓滄海其公
決策秦府之雄斷歟雷轟鴈塞虎嘯榆林其公三奪
利稍之叱咤歟氣消恒嶽蜂息白登其公翊贊

皇靈之玄威歟頗牧踵生韓劉輩出其公式穀後進之
毓秀歟鄂國之氣瀰漫宇宙形著於西北而寄寓於
一祠非鄂國之精爽不能妙感通於異代非近翁之
卓越不能起積毀於煙莽其竒跡宏制皆可述也予
故特闡其微以昭後人尚珍重厥祀時加敬護其培
浩然者使龍驤之士應運名世以不負近翁相期無

窮之意氣云

建金龍池捲棚記

知縣王日新撰

萬曆癸巳之正月余奉

命令馬邑未就道時有客燕臺者謂余曰馬邑於古為
寰州治之乾方十里許有池名金龍舊傳二龍出化
為馬馬以龍故騰驤莫能制尉遲敬德氏跨之崛起
山後為李唐名將譚雲中勝蹟必首稱焉比蒞任前
大叅汴京周公過金龍余往候之計時尚蚤因先謁
尉遲公廟廟兩廊多繪事肖尉遲公像於其中凜凜
有生氣當時單鞭奪鞘之威可得於想像間出遂徒

步行小憇於今金龍池則見烟柳垂金春波漾玉恍若西湖漱灩殊不似邊地春暮猶苦寒也凭欄矚池中水清澈可鑑眉睫池水東流稍折而南約二射即產龍馬處深莫得其底池上有寺寺四圍皆水環遠之因額曰水園西畔有公署堂阿門塾稍深邃乃寺之前止敞廳三楹基地址不能避風雨諸使者行部至多臨流具壺觸以暢幽懷預期必構棚棚用布彩嘗以時促不能具居民供應頗苦之一日父老謂余曰安得建捲棚三楹則一勞永逸也顧余以初至輒興土木又民苦貧材木瓦甍維艱未敢議

迨今歲春三月

侍御林公至有期諸公署當重葺池之廳有圯狀時示寂僧名圓行者頗持戒為邑之人重存日募萬人緣脩舍利院尚餘金若干余聞而喜曰東天即西天之佛也此獨非舍利處乎迺以其意白之

少叅盛公遂易房三楹撤而運之池之上為建捲棚計因以葺池之廳費頗饒不足則又益以公帑之美命丞廣武驛張子介與住持僧明月督其事甫旬日棚翼然煥然而廳前有棚後有屏兩傍有牕眎昔之隘且陋不復同矣或曰王子侈游觀乎余曰案牘旁

午催科無暇日安能杯酒流連光景也然則王子其
先憂後樂者與余曰樗腐之材謬典疲邑土瘠而賦
重民貧而役繁且也路當三晉之衝冠蓋時或相望
受事以來日夜焦勞頭上髮星星白乃若所憂誠有
之樂則吾不知也僧明月以棚成當有記紀歲月余
因次前說以為之記

詩歌

遊神頭山

知縣王一鳴

神頭山下黃道泉故老相傳幾百年天池飄墜車輪
在金珠又見七魚穿出沒潛通真竒絕混混日夜崑
崙泄共工觸倒不周山天柱折兮地維缺脉絡直衝

尾閭開萬丈洪濤一滾來
滄的神婆無去處攜兜奔
上北山隈氣喘神體勞
無力手按山頭暫憇息
曉起窮荒乏鏡臺
牙梳塵滿無人拭
神婆發憤氣猶龍
推倒雷山一二峯
東海順流千里去
週折關河幾萬重
平灘遺與幽人寓
問津嘗訪桃源路
白蘋紅蓼傍晴州
野鷺閒鷗依晚渡
春回淑氣正暄妍
勝日尋芳述古聯
兩箇黃鸝鳴翠柳
一行白鷺上青天
南薰披拂景悠哉
傲暑閒將好句裁
一水護田將綠逸
兩山排闥送青來
牢落烟霞值晚秋
古人佳製與今謀
殘星幾點鴈橫塞
長笛一聲人倚樓
太呂吹殘葭管
灰霸

橋詩興慢猷推岸容待臘方舒柳雪意衝寒欲放梅
遊子關山應有約四時風月休閒却翻雲覆雨隨浮
沉海角天涯任風泊回首長安雲路遙參差樓閣傍
層霄瓊筵金縷消長日寶鴨龍涎俟早

朝孤臣流落窮荒域風起塵沙天改色三月忘味豈
聞韶數間破屋聊為息故鄉遙望白雲邊鴈門紫塞
互相連舉目江河風景異陰陰高柳不聞蟬泮水相
逢一二客笑談共生三生石隰水冷冷含太虛塞風
淅淅侵瑤席水哉水哉逝不窮曾悲胡馬飲西風而
今萬里長城在伏劔崆峒氣若虹奮然一指旄頭落

堯天蕩蕩祥光爍喜逢河潤海波澄活水源頭分一
勺易水寒兮沂水溫此水夏冷冬燠存浩浩七泉通
地竅汪汪千頃接天源坎德醇良調五味造就飲食
和腸胃海鹹河淡醴泉甘玄酒太羹天一氣君不見
名川巨瀆滿中原銀漢滄溟雪浪翻勝地無人不贈
句良辰有客便頃罇嗟爾七輪生邊邑浮光靜影軋
坤翁夜闌星月照寒潭璞石獨有卞和泣囑付山人
莫把滄浪輕留與時賢好濯纓好濯纓奮力輔
皇明一朝挽回天池水洗絕胡塵萬古清

洪濤雨霽

彷彿巫峯插太清
行雲行雨互陰晴
雨餘粧點芳園媚
月煥融光寶鏡明
西子新粧烏髻縮
南威初畫翠眉橫
凭高遙送元龍目
一片襟懷萬古情

玉泉秋聲

直上波濤三尺高
飛來點點落瓊瑤
清風帶雨思瀟颯
白電連山合動搖
鱗屋龍宮驚霹靂
貝宮朱館間笙簫
翻思往昔朝真者
羽佩琳瑯颺玉飈

鴈門聳秀

少昊行秋紫塞涼
雨餘頓改鴈山光
虎幟旌旗濃墨染
石壁樓臺淡粉粧
紅葉飽霜渾覺醉
黃花笑日欲

飄香此時邊將凭欄日五色雲飛遶 帝鄉

古寰落照

浮屠千尺插穹蒼倒影婆娑射遠岡
列草參差橫朔野落霞來往際燕鄉
牛羊促地歸荒徑鷺鶴翻空下
碧塘猶有二三僧住持數聲鍾磬掩昏黃

槽臺遠眺

李靖行踪世已休危樓猶可縱明眸
青林隱顯長城疊白草高低亂塚丘
鴻鴈遠拖秋色去鷺鷗斜帶夕陽浮
山河若歷前人事幾度興亡嘆白頭

龍池月夜

龍沼周遭遶綠蕪
星稀雲靜月平鋪
分明塞北初懸鏡
彷彿江南小樣湖
梵宇波涵沉影壁
水晶盤捧夜光珠
鄂公汗馬功勞大
羸取凌煙古畫圖

桑乾冬燠

雲樹蒼蒼拂曙霞
渡頭人喚渡頭家
斷橋流水搖紅影
寒雪飛空落鬢華
驚散鷺鷥漁父棹
吹殘星夜戍樓
笳山光隱隱朝曦上
已映灘前紅蓼花

神坡古寺

古囊南上紫金山
山畔神坡古寺間
落盡丹青閑聖壁
老殘松檜擁禪關
門臨蒼莽無人過
閣倚嵯峨有

鳥還欲拂斷碑尋建號不堪文字染苔班

游金龍池

提學副使

名失傳

秋宮光映水光藍午夜分明月浸潭一脈不知來遠
近衆流分見下東南清分逼我渾忘俗好景令人每
駐驂人傑地靈相倚伏應知鍾秀產奇男

題尉遲敬德廟

前人

金龍池口水如藍長夏涓涓浸碧潭千古佳名傳冀
北一團清致勝江南月明夜靜鳴禪磬樹密風寒駐
客驂憶自鄂公勲業後有誰能繼作奇男

謁鄂公祠

御史蘇天佑

閣顏遺像凋生色池古荒祠俯碧泉
天馬千秋空渥水雲龍一代已凌烟
可憐契合風塵際大美飛騰戰陣前
旗鼓倘仍懸大將犬羊寧復冠頻年

題桑乾河

叅政蘇志臯

吾鄉最苦桑乾水今日尋源到此間
說與山靈牢記取休教東入紫荆關

游金龍池

舊傳二龍出化為馬

御史吳禮嘉

一池深碧自何年見說神龍向此卷
願化雄鳴雙寶劍橫飛朔漠淨胡天

與雨山李君碧登回承鹿坪郭君召因約觀金

龍池

太僕卿申維岱

道出龍池近還約鷓序
涎金龍化已久池水尚堪
縱是沙為岍不為風所掣
隆冬涵暖氣朝日散清
潤藉桑乾遠激澈霄漢
連濯纓慙我鬢把釣柰塵
攜取橘中意悠懷泌什篇
徘徊歸次晚候炬滿前
冬日同申玄野同卿李
雨山兵憲游金龍池

參議郭性之

池裡龍飛不計年
龍門雙節駐川池
流影漾桑月龍馭
羣空冀北天喜御
仙舟還泛泛愁看
鳥翺翺留君莫厭
平原飲一別雲模
萬仞巔

游金龍池

參政周于德

野闊平池樣碧空
桑乾一派近相通
蕭條蒲柳新
露寂寞魚龍
舊渚宮秋老
鴈關明漢月
田連馬邑
堯封好將滿
地深源水興
作邊氓灌溉功

過乃河望尉遲敬德故宅

前人

戟如攢棘劍如林
百戰英雄國士心
共事一時投
氣結交原不問黃金

題金龍池

永年馬之麟

朔州守

平泉噴玉湛深池
派衍桑乾古渡湄
汗血浮蹤傳
信泣珠潛室轉生疑
洪濤沒虜迷天塹
細潤興苗

野陂直向盧溝橋畔注金湯千里壯 皇維

游金龍池擬古

東牟王日新

本縣令

金龍金龍幾經年于今池上水潺湲一泓清碧可人
愛凭欄欲去又依然我聞聲品匹九逸追風逐電還
稱德一朝際遇良將才長安日照黃金勒敬德梟雄
軼千古單鞭奪稍人爭詡山後誰知烈士名池邊浴
馬救英主聞難當年躍馬來雄信膽落水之隈勤王
不用飛羽檄氣如潮吐聲如雷帳下初標虎士名解
衣同榻心已傾雄圖俠骨俱銷歇凌烟遺跡尚轟轟
池水東流波蕩漾廟貌巍巍池之上島夷年來正陸

梁東征安得如公將

余家海上時
方苦倭故云

水園寺

前人

池塘凝碧沁漣漪中有琳宮鎖翠微
四壁光涵圍夜月三冬氣煖映朝曦
鍾聲斷續人間隔花影扶疎僧舍宜
坐久塵襟渾滌盡頓忘蓬跡寄天涯

登櫓臺

前人

高臺百尺倚青穹登眺翩翩眼界空
遠近逢巒環足底縱橫斗宿列懷中
波濤夜見龍池月樓閣秋凭鴈塞風
造化看來原在莪須將丹粒起疲癯

續錄

夏日遊金龍池漫成一律一紀簡王茂宰

關中辛志登 左叅議

平生故有煙霞癖每到登臨便不還
自向龍池來睡賞誰驅車馬去
間關濯纓苦憶綸巾白把扇懸驚舞
袖斑無那雙飛天外鶴致身千仞杳難攀

立馬郵亭拂袖塵炎蒸逃暑水之濱
幾回欲向臨池醉只恐清溪解笑人

遊水園寺

東牟王德新 前容城令

梵王宮殿敞朱扉夏日攜樽入翠微
地靜紅塵無處着雲深白鶴有時歸
縵嵐氣連千嶂灑灑波光繞

四圍彷彿如來真境界
山人留偈欲皈衣

登櫓臺

臺為李靖所築觀星者

前人

舊築高臺不記年
築臺人去斗星閑
空餘樓閣烟雲裏
常見闕山朔漠間
往事不須增感慨
清時自喜足躋攀
衛公勲業俱湮沒
只此遺琮在古寰

文明閣

在櫓臺上

起下足乘雲霧升
高手摘星辰百尺爭
誇危峻千年永翊文明
洪濤山人題

小憇水園寺 四首

御史湯北京

菰蒲深處綠成陰
水榭周遭灌木森
不信滄洲移紫塞
何妨攬轡便抽簪

水園孤寺一僧多
鏡裏紅塵迥不
過
唯有幽禽啼白晝
閒持貝葉坐青莎

觸暑馳驅亦可憐
披襟蘭若水中天
何人恨瘦桑乾去
此日臨流自爽然

日昨驂駢又撲塵
波光迴首意愈親
林香冉冉花無主
谷響嚶嚶鳥送人

水園寺

嶧山潘榛 主事

移蓋池亭下悠然興自生水清方照物山遠不知名
蒲柳群相向鳶魚各有情留連迷去路誰謂是邊城

過尉遲敬德廟懷古

前人

鄂公英風古無比此日過公之故里中祠廟肖遺
容血食伏臘無窮紀毛髮欲動色欲嗔行人瞻之肅
焉起祠傍猶有金龍池人傳天馬生池裏為龍為怪
故不馴公自伏之如螻螳跨來酣戰幾百場劃然隋
楊始定李我仰高踪一此遊低徊日暮脫劍履潺潺
池水西還東落落群山岵與岵水流山峙古今同英
雄戰骨今枯矣

過水園寺

漳浦楊一葵 副使

夾路垂楊蔭古堤，行春聊一探幽棲。
江天日麗群峯霽，劍戟霜明萬馬嘶。
檻外浴鳧紛共語，山中稚子喜相攜。
閑愁到此渾忘却，縱飲何妨醉似泥。

過馬邑宋明府要遊水園寺臨池泛舟 二首

濱隸劉餘澤 按察使

何來鴈塞得龍湫，行色還因地主留。
林水賸餘濠濮想，蘭舟不減習池遊。
芰荷入夏紅芳歇，明府曾種蓮未發菹葑
莢連天碧浪浮。無數白鷗窺客去，應嫌車馬點滄洲。
古木陰陰曲檻底，石亭窈窕枕招提。
逢僧細問津龍

事金龍池名對酒閑聽翠鳥啼水月漾沙時上下曇雲拂

樹自東西山光欲暝猶遲戀可柰紅塵促馬蹄

水園寺和

楊致老憲使韻二律

東魯張中鴻 左布政

蒼蒼山色映芳堤為愛池亭暫此棲翠荇牽風鳧共

浴綠楊含霧馬頻嘶澄潭聞說雙龍化絕塞惟將一

劍攜漫捲湘簾飛紫燕梁間勿訝落香泥

梵王宮殿鎖荒堤地迥倫宜高隱棲香裊博爐僧入

定花迎征蓋馬長嘶環臺碧水凝無底襲袂白雲似

可攜且喜榆關烽暫息憑君重借一丸泥

水園寺二律用

憲長楊先生韻

海岱張中鵠

古刹煙籠倚綉堤
溶溶碧水抱禪棲
上方清磬聞僧語
夾道綠楊聽馬嘶
世外煙霞探便得
夢中蕉鹿豈堪攜
况逢賢主能相款
適意何須羨紫泥

離披草色綠楊堤
雨霽閑雲樹杪棲
鍾度曉風襟梵唄
泉穿石溜瀉哀嘶
籌邊艾可三年蓄
覽勝圖將五岳攜
清賞且拚今日醉
升沉何必嘆雲泥

金龍池二律前韻

楊花飛雪颭香堤
一水拖藍遶梵棲
檻外魚遊鷗欲

下池中龍去馬猶嘶山僧共話風幡動旅客空將書
劍攜家夢中猶未至一尊聊此踏香泥

白蘋紅蓼暎煙堤片片白雲護竹棲鄂國雄姿猶賸
蠻金池龍馬尚嬌嘶望中烟樹思如結客裡驚花酒
漫攜試向禪闕詢老衲蓮花何日出深泥

聞池中曾栽藕故及

霍直指龍池別業

用任令韻

朔州守鄭時舉

清沅一派下山橋草岸盈仁起迅飈萬丈洪濤驚怪
湧滿川餘潤應江潮浮鷗盡夢閑青野古木雲蒸插
碧霄堪羨此中多逸致暇來嘯傲興偏饒

馬邑新秋

鄭時舉

塞上塵清日裏中，氣爽初雨餘。
蘇隴土霜晚，慰菑畬。
山淡雲根冷，葉殘樹影疎。
秋光行且暮，向傍犬羊居。

秋日野眺

千家砧杵映秋風，四野輕清此日同。
方羨水天唯一色，更憐雲樹又雙空。
憑闌遠送城南燕，依檻回看塞北鴻。
滿眼殘花真寂寞，教人暗地想山翁。

霍直指近水樓飲薄暮泛舟龍池鄭時舉

高樓席罷錦帆開，簫鼓中流亦壯哉。
薄霧平鋪溪影寂，微風乍動水紋來。
燈明兩岸驚龍窟，月印三秋近

古臺慷慨主人多逸興何妨沉醉卧山隈

仲秋祀洪濤山眺望

任澄清

洪水發源清脉通天乙精百泉山下出一派地中行
古廟雲長鎖孤峰雪乍晴登臨情不已緩步到西城
洪濤眺望和前韻

霍鏌

山水自饒清蒙泉更吐精乾龍來脉聳野馬逐波行
幽宵偏宜嘯登臨最喜晴陽春况有脚早已布邊城

新春喜雪

任澄清

昨宵騰六驚飛輪暗送瓊花報早春庾嶺敲殘梅蓋
落梁園點綴柳枝新灞橋驢背詩思遠夜棹山陰興

趣真最愛陽春白雪景好將樽酒賞芳晨

新春喜雪和前韻

霍鏌

風吹玉葉掩冰輪六出平鋪大地春
舞絮乍驚時序改烹茶偏覺物華新
藍闕撒馬忠還篤瀚海吞裘節
更真黍谷幸逢鄒子律敢云難和負良辰

和鄭公祖九日泛舟韻

前人

登高四望笑顏開復盪蘭橈更快哉
岸柳迎人分綠過淵魚弄月耀光來
參差歌管催行酒寂寞烟波冷
釣臺借問蓬瀛何者似仙舟共泛白雲隈

盆菊

任澄清

紅七白七間黃七次第移來列画堂
一自別離彭澤後風塵不染有餘香

寒鵲爭梅画

前人

雪裏花開獨占竒紛紛鵲噪向南枝
野橋無限芳菲意絕勝鶯啼蝶舞時

霍公祖別業觀龍池

前人

一派汪洋架彩橋水晶宮殿雨瀟七
風楸巨浪聞龍吼月擁清波見海潮
鷗鳥忘机眠翠柳樓臺壯麗薄
青霄中流砥柱狂瀾靜滿目雲山景色饒

秋日大同道中

前人

朔方落木悲深秋衰鬢彈冠學壯遊塞上風霜驚鴈
度城頭鼓角動邊愁寒煙殺氣冲霄漢白草黃雲遶
戍樓胡馬干戈猶未歇請纓誰復繫毡裘

雲崗洞觀石佛

前人

巍亾古洞倚雲開斧斲神工亦異哉千佛靈光歸淨
土諸天法象傍巖隈石龕不惹風旛動蘭若惟看夜
月來空寂儼然西域界喜逢僧話共追陪

春日左衛道中

前人

邊城荒徼地蝴蝶夢中身戴月長驅馬停車數問津
黃沙迷萬里白雪積三春僕亾關山道低頭愧殺人

次龍池前韻

霍鏌

水斷長堤續小橋
激湍靈籟響森瀟
銀河傾瀉驚風雨
碧海依稀聽汐潮
檢點虛舟空世界
凭臨浩月冷雲霄
干旄况復來仙令
從此山林趣更饒

水園寺

任澄清

水寺湖天一徑通
綠陰深處小橋東
龍媒已去今何在
留得清池對梵宮

水園寺前韻

霍鏌

盈匕一水四圍通
流過寒潭古廟東
夜靜禪林明月上
恍疑身在水晶宮

神馬記

知縣任澄清撰

馬有神乎曰有上古羲皇之世負圖而出於何者非龍馬耶後世有產於渥窪者又何物耶蓋天地間物之最靈者莫如龍而生物不測者莫如水故蛟龍天馬恒產於水焉唐鄂國尉遲公乃一代元勳當年金龍池所獲之馬實天降之毛龍也余蒞任甫浹旬時九月既望吏請備牲醴粢盛謂詰旦應祀鄂公脩典故也是夜余夢有馬立大厦下毛骨駿異狀若龍驤第見厦屋傾圮天雨瀉淋以蘆席覆其馬之脊若有不堪居處狀夢既覺余悚而異之於是櫛沐待旦偕

韓李二廣文及從祭諸文學蚤有事於鄂公祠登堂
駿奔觀其廟貌森嚴凜凜猶有生氣既而至神馬控
立之所果見楹宇塌頽不蔽風雨馬有斷其脊裂其
首缺其足者宛然夢中之境也於是命匠增脩施以
丹堊而楹與馬且煥然一新矣余惟鄂公汗馬之勞
照耀千古當年追風逐電所向無敵者固公之勇畧
絕人亦豈非龍馬之力哉乃知鄂公之英靈百世不
磨龍馬之精靈亦與之俱不磨其出也為馬其歸也
為龍又豈因迹像之成虧為龍馬之增損也乎贊曰
龍馬之見天助英雄維夢有感繫神所通

馬邑縣志跋

邑必有志者紀其實也志必重刻者
通其變也蓋國家採風貢俗程物比
事唯志是據變而通之存乎其人前
者有作後者繼焉所從來矣第其事
欲核核則信其詞欲直直則公非公
且信摠之于志無當已馬邑在古為

寰州前時志未有作者作之自邑進
士武公文始歲月既久闕失漸多曩
邑侯寧海王君曾董弟子員校讎而
壽之梓已彬彬稱完錄矣迨自萬曆
乙未而後迄今又一紀有餘其山川
疆理之跡物產土俗之宜即今昔不
殊而氣化之災祥民生之利病營建

之沿革與夫循良之政科貢之名不
無與時運相為盛衰而變遷者倘闕
逸靡紀後將何述歲乙巳邑侯宋君
以齊魯之英奉

命而來下車後即詢邑志咨故實閱人
文輒慨然欲重修之顧以為初政未
遑也越今已三載課績矣諸凡利者

興弊者剔訟者平賦者均載在士民
所為寔政錄中者若陶之善埴圓中
規方中矩匠之善木曲中鈎直應繩
于治可稱有成矣會戊申夏承

當路者檄俾重刻邑志遂屬諸士而
告之曰若生于斯長于斯其耳目之
所睹記罔不詳悉間有所宜增減者

當與衆商確以成信史不然而傳者
安于習述者狃于襲是土美也志之
不核焉用文之諸士曰唯唯退而謀
諸野得之者舊濟以傳聞事有該于
原本者則因之而不革事有未經紀
載者則益之而不泥視曩者所志尤
加詳焉余惟晉乘甲天下使經聖筆

當與春秋等馬邑雖其一隅乎得
侯之修而志愈重且使後之君子繼
此而興者得有所攷則斯志也其永
光晉乘哉余固嘉侯造馬邑之意甚
盛而又樂侯之志成也因僭而序之
用垂不朽云

奉政大夫臨洮府同知霍錢頓首拜撰

